

東光縣志

東光縣志卷一

光緒十二年重修

輿地志上

星野

晷度附

自保章氏九州星土之說不傳而後世之談星者率多臆測裨梓或鄰於荒誕馬班或類於墟拘而况蕞爾一隅亦何當於專宿故諸史於疆域分星惟載州郡至於縣邑輒從略焉誠以州郡卽縣邑所觀法也然亦有當辨者今按舊志引府志曰河間入畢十度以爲郡之分野卽縣之分野大都天之一度在地方圓合二百五十里東光距河間才一百六十里自應

東光縣志

卷一

輿地志上 星野

一

在畢十度內云考漢書地理志曰趙地昴畢分野東有廣平鉅鹿清河河間晉書天文志亦曰河間入畢十度故唐張文成弓高縣實性寺碑直云上參畢昴之星此舊志所以主畢立論也而 大清一統志則以河間入畢乃專指默縣而言若河間及滄州景州所屬則在尾箕析木及虛危元枵之次以府治及各縣皆尾箕之宿爲燕分野若景州及所屬三縣則虛危之宿爲齊分野雍正畿輔通志並同他如明史又以河間景州所屬皆分尾箕各有見解莫衷壹是茲惟謹遵統志通志以虛危分野爲定庶免紛歧

元枵虛也顓頊之虛虛也北陸虛也爾雅

元枵齊也周禮保章氏鄭註

虛危之精流為青州分為齊國春秋元命苞

自須女一度至危十度謂之元枵之次小寒大寒居之

齊之分野月令章句

按晉書天文志云自須女八度至危十五度為元枵而費直又起女六度蔡邕起女二度所記多異

並錄存參

虛危青州史記天官書

按東邑實在兗州之地只可言齊不能如天星分青州也

虛二星危三星為元枵於辰在子齊之分野史記正義

東光縣志

卷一 輿地志上 星野

二

北斗七星夜半建者衡衡殷中州河濟之間天官書徐廣曰衡第

五星

齊地虛危之分野也北有千乘清河以南勃海之高樂

今南皮高成今鹽山重合方輿類纂曰重合廢縣在縣東南吳橋西南二十里而地理

韻編今釋以為在樂陵縣西大約不出甯吳之間陽信今海豐縣東南皆齊分也漢書

地理志

天市垣左右各十一星分配二十二方其東垣第九星

主九河西垣第十星主河間甘石星經

女度十二諸侯齊一星在九坎東北齊北二星曰趙同上

虛危齊青州齊國入虛六度北海入虛九度濟南入危

一度樂安入危四度平原入危十一度 文志 大

須女虛危元枵也初須女五度餘二千三百七十四秒

四少中虛九度終危十二度其分野得平原渤海九

河故道之南 唐書天文志

滄景德為元枵分 新唐書

北斗七星五曰玉衡為音主土其分為燕六曰闔陽為

律主木其分為趙七曰搖光為星主金其分為齊 宋史

天文志

女二度至危十二度元枵之次也北平布政司所屬之

滄州又河間府景州皆尾箕分 明史天文志

東光縣志

卷一 輿地志上 星野

三

降婁元枵與山河首尾相遠鄰顛頊之墟故為中州負海之國為齊魯青徐其地當南河之北北河之南至

於東海 唐一行志

虛宿



按漢永元銅儀以虛為十度唐開元游儀同舊去

極百四度今百一度景祐測驗距南星去極百

三度在赤道外十二度 宋史天文志

危宿



按漢永元銅儀以危爲十六度唐開元游儀十七度舊去極九十七度距南星去極九十八度在赤道外七度同上星野之制自古爲昭黃帝占天高陽畫地是惟創始至後漢歷志乃分二十四氣於晷影尺寸晝夜漏刻昏旦中星已稱明備雖推測之術積久益精若今於尺地寸陰悉相爭較歲差朦影別啟機能誠有駕古人而上之者然以東光而論分尾箕分畢昴分虛危各有師承各有撰述要皆本其推測之術而臆度於渺冥者也姑列如右以備參稽

東光縣志

卷一 輿地志上 星野

四

晷度附

北極出地高三十七度五十九分

冬至正午晷影一丈八尺三寸七分弱

夏至正午晷影二尺五寸九分強

冬至晝三十七刻七分弱 夜五十八刻八分強

夏至晝五十八刻八分強 夜三十七刻七分弱

經度距 京師偏東八分三十秒

節氣較 京師遲三十四秒

以上晷度見畿輔通志皆就東光境內推算

建置沿革表

歷代郡縣廢置靡常東光在後漢時尤分其地而三屬如郡國志云觀津縣有竇氏青山乃屬於安平國又分弓高縣屬河間國而東光縣有胡蘇亭則屬於勃海郡此皆同時所置者今詳其地胡蘇亭即今甯津之保店是割東光之東半屬勃海而兼入甯津南皮界也其竇氏青山在今縣之西北是割東光之西北屬安平而兼入交河界也若弓高分今縣之西南諸鄉是割東光之西南屬河間而兼入阜城景州界也分析之蹟莫顯於此魏晉以降或沿或革雖有變

更要不出此封域矣爰排纂爲表便稽覽焉

朝代	統部	州郡	縣境
中古	冀州域 春秋緯曰人 皇氏分九州 帝王世紀云 九州顓帝所 建帝嚳受之 按舊志以東 光於古 屬冀州		
唐	兗州域 通鑑前編古 九州至帝堯 仍沿其舊世 紀曰堯遭洪		

		東光縣志		
商	夏		虞	
		卷一		
兗州域 爾雅分冀為 幽易青為營 此實殷制以 疆域畫之爾 時東光應在 幽州之南冀 州之東而兗 州之北界也	兗州域 禹貢九河既 道集傳引許 商云胡蘇河 在東光又詩 允有翁河疏 亦云九河胡 蘇在東 光縣	輿地志上	兗州域 按書舜既受 命肇十有二 州而九河則 仍屬兗州	水天下分絕 舜攝帝位命 禹平水土今 按東光在九 河之間則知 自治水後改 屬兗州地理 今鐸兗州兼 有直隸之大 名府及真定 河間二府東 南境是也
		沿革表	舊志稱瀛國 地但河間之 名為瀛在秦 漢後非唐虞 時所有路史 國名紀亦無 瀛國名	
		二		

	東光縣志	春秋	周
		卷一 輿地志上 沿革表	
<p>國有二一在臨淮一在清河此則清河也左傳昭二十二年六月晉荀吳略東陽師息於昔陽之門外遂襲古滅之杜注東陽晉之山東邑魏郡廣平以北昔陽故肥子所都按晉東陽故治在今冀州境昔陽在今藁城縣境鼓在今晉州境故知爾時東光爲晉邊</p>			<p>晉東陽地</p> <p>廣輿記曰河間於春秋爲東陽國按羅泌路史東陽</p>
	三		

		東光縣志		
秦			戰國	
		卷一 輿地志上 沿革表		
<p>上谷郡地</p> <p>按秦上谷郡地當今保定河間宣化易州諸屬及順天西南境舊志乃云屬鉅鹿郡夫秦之鉅鹿實當今</p>	<p>鹿清河河間渤海之東平舒文安云云夫渤海爲今之滄州東平舒今大城縣乃與順天分界而東光之屬趙復何疑</p>		<p>趙地</p> <p>舊志曰燕齊趙三國之境西屬趙北屬燕南屬齊此乃臆度之詞今據趙策張儀以連衡說武靈王割河間以事秦其屬趙也明矣高誘曰趙至戰國又得涿郡之高陽鄭州有廣平鉅</p>	<p>鄙矣蓋由此再北卽北燕也界</p>
			四	

	東光縣志		
		漢	
冀州 青州	卷一 輿地志上 沿革表	幽州	
河間國 平原郡		勃海郡 漢志勃海郡 縣二十六 按漢魏勃海 即今滄州與 隋唐以降之 渤海在山東	之順德真定 冀趙深定諸 屬尚遠在西 南非東光之 所得附又或 以爲齊郡則 其地在山東 爲今濟南武 定登萊青五 府地與河間 屬縣不相 統轄也
弓高縣 侯井縣 龍頷縣		東光縣 地理志東光 高帝所置有 胡蘇亭按秦 制十里一亭 胡有亭長亭 侯之號此胡	五
漢志龍頷縣 侯國崔浩曰 北三十五里 日在弓高西 光西境類纂 故城在今東 侯井縣	蘇亭即今甯 津之保店也	漢弓高故治 在今阜城西 南廿餘里與 隋異而東光 西偏則有 弓高縣地	

		東光縣志			
晉			蜀漢	東漢	
冀州 按惠帝之後 冀州淪沒於 石勒僭稱趙 而慕容儁符 堅又繼相吞 併至孝武太 元八年復爲 慕容垂所據 號後燕蓋自 渡江以來冀 州郡縣久 非晉有矣	冀州 補志依 舊洪氏疆域 約可見	卷一 輿地志上 沿革表	魏地	冀州	
勃海郡 晉志勃海 郡統縣十			勃海郡	河間國 勃海郡	
東光縣 東安陵縣 以對西咸陽 之安陵而言 地志今釋以 爲卽吳橋之 安陵鎮不知 尙在安陵鎮 西北八里許 河西之窯場 店也	東光縣 東安陵縣 弓高廢 入修縣	六	東光縣	弓高縣 侯井省入弓 高龍領亦併 入修縣皆不 復置後漢地 理志云凡前 志有而此無 者皆世 祖所廢	有龍領村類 纂云龍領故 城在景州東 三十里而龍 領村則在今 東光縣西境

		東光縣志			
唐			隋	東魏	北魏
河北道 統魏博成德 幽州義武橫 海諸郡			兗州	冀州	冀州
景州 觀州 滄州 舊唐書地理 志武德四年	隋書地理志 東光舊置渤海郡開皇初 郡廢九年置 觀州大業初 州廢仍為縣 屬平原郡 領縣九	卷一 輿地志上 沿革表	平原郡 觀州	渤海郡 太和 中渤海 原治南皮自 分置浮陽郡 乃就東光改 置渤海 郡於此	勃海郡 滄水郡 地形志世祖 初改勃海為 滄水郡太和 二十一年復
東光縣 按唐書長慶 元年廢景州 以諸縣移屬 景城郡不久 郡廢仍置景 州領縣四東	胡蘇縣 按自此胡蘇 遂別為一縣 不復屬 東光	七	東光縣 大業初以安 陵省入東光	東光縣 自析胡蘇縣 後還復舊治	東光縣 據水經注北 魏東光移在 吳橋境內見 古蹟考 安陵縣 即東 安陵

東光縣志

卷一

輿地志上

沿革表

八

	五代 唐晉漢		於東光縣 領縣六	東光縣 自天祐五年 以景州移治 東光歷五 代皆倚郭
周			景州 五代史職方 考梁時景州 仍屬唐東光 隸焉至後唐 晉漢乃俱 有其地	東光縣
		定遠軍 舊五代史郡 縣志滄州弓 高縣周顯德 六年二月併 入東光縣歐 陽云為定遠 軍治所	於弓高縣置 觀州東光屬 焉至貞觀十 七年廢觀州 以東光胡蘇 屬滄州貞觀 二年卻於弓 高置景州東 光屬焉長慶 元年州復廢 東光還屬滄 州二年復於 弓高置景州 太和四年又 廢仍屬滄州 景福元年復 於弓高治景 州管東光安 陵三縣天祐 五年遂移治	安陵縣 武德四年復 析東光地置 永徽二年移 治於白社橋 改屬饒州州 廢又改屬德 州景福初乃 改屬景州 按白社橋未 詳其地而史 明言析東光 地置當即縣
		東光縣	光次 二	弓高縣 初為觀州治 所貞觀中廢

		東光縣志	金	宋
明	元	卷一 輿地志上 沿革表	河北東路	河北路 高陽關路 宋志瀛州舊名關南太平興國初曰高陽關慶歷八年始置高陽關路統瀛莫雄貝冀滄永靜保定乾甯信安等十州郡按高陽關卽今河間府城
京師省	中書省 元史地理志中書省統山東西河北之地	總管府 地理志天會七年析河北爲東西路於河間置總管府瀛海軍	景州	永靜軍 崇甯軍 宋史地理志唐景州太平興國六年以軍直屬京涪化元年以冀州阜城來屬景德元年改軍名崇甯按景州爲永靜軍本石晉所改至宋雖更名崇甯仍以東光爲治所
河間府	河間路 景州 元志至元二年置河間路總管府統州六	觀州 金志宋永靜軍治東光國初陞爲景州貞元二年來屬大安間更爲觀州避章帝諱也	東光縣	東光縣 方輿類纂宋以安陵省入蓀縣後不復置終宋之世皆以東光倚郭
東光縣	東光縣 按元自至元二年移治景州於蓀縣東光遂不倚郭景州領縣六東光次四	九 按金制景州領縣六東光倚焉		

國朝		直隸省 雍正二年設 直隸布政司	河間府 國初河間府仍 沿明制領州 二縣十六嗣 於雍正九年 設海防陞天 津衛為府乃 割河間之南 皮鹽山青滄 靜海等七州 縣與之故今 河間只領 州一縣十	東光縣 國初仍分隸景 州自雍正辛 亥分河間東 半為天津府 而東光於是 徑屬河間其 景州亦降 為散州矣
			明志河間府 領州二縣十 六係洪武 元年所置	按明初東光 縣曾於洪武 七年七月省 入阜城縣至 十三年復置 分隸景州

東光縣志

卷一 輿地志上 沿革表

十

東光之於畿輔蕞爾邑耳然自春秋兩漢以來稱侯國焉六朝之季置州郡焉五代迄宋開軍府焉非僅以縣名也故溯其盛時可兼有數邑之地及其遭廢或裁省而併入於鄰封要之時勢所趨宜民為急是所望於莅斯土者

附郭興治東光輿地考

東陽國名左傳晉荀吳伐東陽是時東陽已屬於晉其為郡自秦始皇戰國時趙割河間以事秦又樂毅摧三晉於觀津後奔趙封於觀津是邑本趙地與燕無涉其於齊則或以其嘗屬渤海郡云

按屬齊當以平原郡若漢渤海

則在滄州至隋唐以降乃在  
山東武定屬下須分別論之

東光縣志

卷一

輿地志上 沿革表

十一

疆域 城池公署附

東光縣屬河間爲中縣在府東南一百六十里

東至南皮縣界四十二里

東南至甯津縣界三十三里 至甯津縣城七十里

南至吳橋縣界二十里 至吳橋縣城六十里

西南至景州界三十里 至景州城六十五里

西至阜城縣界三十五里 至阜城縣城六十五里

西北至交河縣界四十四里 至交河縣城五十里

北至南皮縣界三十二里 北迤東至南皮縣城四十三里

東北至南皮縣界三十八里

東光縣志

卷一 輿地志上 疆域

一

縣境東西廣九十里 南北袤六十里北至

京師六百四十里

附疆域形勝說

東光爲趙地固也後漢地理志曰漢初趙分爲代文景以來趙分爲六而廣川河間始立郡國此實後世府縣之權輿但所屬隸有異耳然其申畫郊圻則未盡離於古也今按東光據渤海上游與南交爲依輔以吳阜爲襟喉連鎮控其南夏口扼其北凡爲鄉屯者九地方三十六堡二汛地三鋪遞七義倉九而村莊七百羅附焉縣境無大山若南之天胎北之青山

雖屬土阜而其名則舊著於史策不得以部婁卑之  
至於境內之水則貫其中者爲運河由吳橋界入北  
流徑縣城西馬頭至南皮交河兩界出又東爲宣惠  
河亦由吳橋界入北流迤東至南皮界出其西境則  
有漫河由景州界入又西有屯氏河由阜城界入皆  
曲折北流至劉守義橋之北而合焉其下入於交河  
界此全邑之形勢也相其地圖雖無天險而平原廣  
隰轉漕所通近接滄瀛遙連齊魯實爲腹地古人於  
此移郡置軍有以夫

行宮

東光縣志

卷一

輿地志上 疆域

二

行宮 在縣北二十五里衛河東岸西岸築土爲山高  
丈餘乾隆三十一年

巡幸江南五十五年

巡幸山東俱駐

蹕於此道光二十六年奉裁

城池

附

東光前代土城四面各一百六十丈高二丈五尺厚一  
丈五尺雉堞凡一千二百六十明崇正十三年增修  
甌城週圍六里高三丈六尺雉堞一千城有四門各  
二重上建重樓八座四隅建重樓四座四城腰鋪八

座東門石額曰東陽西門石額曰西光南門石額曰麗正北門石額曰拱辰兵革之後惟四門重樓如故四隅腰鋪樓房傾圮城牆坍塌九處計八十五丈六尺

國朝康熙十年二月內奉文查明候詳修葺後坍塌幾盡乾隆九年請帑以工代賑改作土城週圍仍循舊基高一丈七尺長一千一百六十四丈六尺八寸道光咸豐間復傾圮同治二年邑令邱對欣邀闔邑紳耆按畝捐輸貧者出力富者出資九月初十日興工修理未竟厥事同治四年八月十八日邑令李振林仍

東光縣志

卷一 輿地志上 城池

三

照二年修築四門名減一重至明年八月二十九日工竣

城外有池舊深一丈後淤平同治七年邑令李振林挖挑一次今淺深不等復多淤處

公署

附

縣署 在城內北街迤東唐爲景州治及元移景州治舊縣卽以故治爲縣署明初盡圮洪武二年典史李從道復建七年併入阜城而署空十四年復置縣邑令祝仲英修復之繼修者永樂間邑令王麟正統間邑令錢鐸成化間邑令吳毓宏治間邑令崔騰張英

英尤有力邑令師禮復承前繕完有記

國朝康熙中邑令白爲璣增修有記嘉慶九年邑令費元  
鑽重修二十二年邑令葉馥繼之道光十年邑令唐  
涇二十年邑令張夢麟二十八年邑令蕭德宣各有  
修理同治七年邑令項梓輪光緒七年邑令姚長齡  
俱重修

舊志正堂三間匾曰忠愛後堂三間又後爲令宅堂  
左爲儀仗庫右爲帑藏庫堂西舊爲贊政廳後改爲  
書簡房左爲吏戶禮承發科右爲兵刑工招房馬政  
科堂前爲露臺稍前爲甬道爲戒石亭邑令蔣撤石

東光縣志

卷一 輿地志上 公署

四

去亭更爲樂只坊後易懷畏二字前爲儀門門內東  
西爲隸解門外東爲寅賓館又東爲土地祠角門外  
增修快手民壯房二座西爲獄前爲大門上有譙樓  
今

縣治前臨道爲照壁北爲大門門內左爲土地祠爲鹽  
捕廳向南爲壯班房右爲獄向南爲馬快班房又北  
爲儀門中爲甬道有木坊一座書曰居敬北爲露臺  
爲大堂左爲庫房右爲東房爲外庫東爲吏房北戶  
南戶北科禮房戶南科共房十一間又健快班房二  
間西爲兵房刑北科承發房刑南科工房河道房共

房二十二間又阜班房四間大堂後爲宅門旁有看門門房 間入後爲二堂廡曰澹明堂東門房四間西門房一間東爲東花廳北房五間東房二間南房三間西爲西花廳北房三間耳屋二間南房三間又小西院北房三間南房三間耳屋一間又北小後院北房三間西房三間二堂後角門一座上房五間東西廂房各三間東花廳後東西廚房各三間茶房一間大堂東有臺上爲陞官樓署東爲馬號馬棚一座號房六間後爲小馬號

永嘉王瓚撰重修縣治記東光爲渤海名邑其屬景州則白唐元始我國朝因之今河間爲畿輔鉅

東光縣志

卷一 輿地志上 公署

五

郡而邑視昔加重矣縣治學校既久類敝上漏旁穿雨淋風駛蒞事之所恆撐敲障闕民失瞻仰而士無所與居繼更數令屢嘗病之而莫能有所更爲也宏治己未長安師君得中來知縣事約已裕民力舉政務越三年政化大行遂圖興修然不取於官不斂於民故不敢迫遽從事而勞心設法預措漸辦凡材木甄瓦工匠之需既備而後肇工且曰學校爲風化本源不可後也爲禮殿爲賢廡爲宰牲所爲神庫神廚爲明倫堂爲後庭爲兩齋爲號房爲庖湍室爲更衣室皆以次而成焉又後二於其上設鐘鼓以報晨昏之候次爲儀門旁爲角門舊有聽治堂拓其基而崇廣之堂之側爲庫室堂之後爲退思之所西爲典史廳東爲鑾駕庫六房吏舍俾皆有恆居而巡撫察院府公廨以至倉廩舖舍演武場之屬亦以次成焉劉忠肅摯步初建三賢堂以祀唐哀貞烈恕己宋劉忠肅摯及撰百將傳張公預春秋率烈祀事蓋迄於甲子九月始獲訖工歲時之後先屋楹之多寡位置之方向以多不能悉焉嗚呼盛矣士民欣快頓改舊

觀夫州縣之政類以簿書期會之爲能送迎奔走  
之爲恭內以實囊篋外以規升進而視縣治學  
之類敝若不涉於己者間有欲出而力焉之而  
不至又畏緣興役而來外議是果實有志於化  
者哉師君秉廉蹈慎處官如家始終一志致上  
之故能變積久之習以爲是邑英高五輩懼君  
民不知病焉可謂難矣庶後劉英高五輩懼君  
之勞也來請予文石之庶後劉英高五輩懼君  
名禮由鄉貢進士爲人初陞清源今改東光君  
子皋夔並登進士第以爲循良之報而君官譽  
方隆也相是役者縣丞東嘉李琳典史稷亭馬  
共成之明年乙丑三月十有五日止於  
八年誌載邑令白爲璣撰重修縣治記粵稽東  
治化宏治後遂渺無可考而百餘年風雨飄搖  
成剝蝕洵亦勢之所必至矣歲已余奉命來茲  
鼠剝蝕洵亦勢之所必至矣歲已余奉命來茲  
下輿崩及門矚望但見枯槁穿日敗礫揚風一  
碎瓦崩垣半在荒榛衰草中官吏相倚幾同露  
不禁慨然繫懷營營之任曷可自辭奈時值饑  
天子方遣使齊賑哺翼不違安能顧明

東光縣志

卷一 輿地志上 公署

六

年民物稍康將欲次第舉爲一轉計保障祠毀若  
惟是勤民必先敬神土穀爲新神祠於儀門之  
靈將何依自即首捐微祿整新神祠於儀門之  
爲政更先禮士豫章猶崇孺子余迨後旋於東  
西可修寘館而余之楹設座榻以待士左右矣  
賢尤甚人縱可冒險矧其如六曹案牘悉湮  
圯何湮愈久則跡愈滅矧其如六曹案牘悉湮  
士何湮愈久則跡愈滅矧其如六曹案牘悉湮  
之地所關乎諸僚屬咸稱秋然瑩瑩赤子元氣  
易舉余曰否近年雖幸有秋然瑩瑩赤子元氣  
尚未復烏乎可余又先倡盡出積瑩瑩赤子元氣  
君邑尉劉君以可余又先倡盡出積瑩瑩赤子元氣  
厥事鳩材剋日拂土之仆者而礎之去甍之腐者  
而棟之宜築者版之宜直者繩之匠塏以易者  
其長先六房次牌坊更展丹堊之舊額樂只易以  
隔匪蹤坊頗隘余更擴展丹堊之舊額樂只易以  
懷畏蓋欲凡面斯者必當思何以懷其固而有  
期於盡善何以畏其必當思何以懷其固而有  
彼父母之空名也再其次儀門外兩側各構快壯  
班房二間墀樹槐柏工畢譙樓樓式如前宏麗勝



之東蓋欲交相勸勉以釋此懼夫按碑名而筆削東光之士庶自有春秋非余所敢知也

紀爵里姓氏云

萬曆三十四年

署 在縣堂東明宏治五年缺裁署廢

署 在縣治東南漸圯僦居民舍

典史署 在縣署儀門外東偏大門向西一間大堂三  
間二堂三間門房一間西院南廚房二間又北宅門  
一間北房五間

教諭署 舊在明倫堂東嘉慶間盡圯教諭張兆第捐  
俸買民宅一所移於鬻宮坊南大門向西一間門房  
二間東房三間後院角門一間東房三間北房三間

東光縣志

卷一 輿地志上 公署

八

南房二間南小院北房三間

訓導署 東西兩所俱在舊教諭署南康熙二年訓導  
裁其一西署廢訓導東署今仍舊大門一間講堂三  
間門房兩間堂後角門一間北房三間東西房各二  
間又西院書房二間

學署明洪武二年典史李從道重建七年併邑於阜  
城而學廢十四年復爲縣邑令祝仲英重修永樂中  
邑令羅榮正統中邑令錢鐸增修景泰中主簿崔興  
重修宏治中邑令張英師禮重修萬曆中邑令余良  
弼教諭沙涑邑令金本高增修崇正中邑令邵建偉

訓導李本實重修

國朝康熙十年邑令王九鼎教諭宋可繼重修嗣後邑令  
白爲璣復重修

行署

察院署 在縣治東大堂三間匾曰帥正前爲露臺臺  
稍前爲甬路左右爲隸廨中爲儀門外爲大門匾曰  
察院堂後穿廊三間書吏廚阜房共八間府館在察  
院署西南數武正堂一楹

國朝已裁其缺俱久廢

太僕寺行臺 在縣治西南馬廠街明永樂十八年邑

東光縣志

卷一 輿地志上 公署

九

令曹謙建並建馬廠景泰二年縣丞李慶重修公館  
在馬頭河神廟後

國朝馬政不行俱廢康熙中邑 將允芳改建呂祖廟於  
其地

演武廳 在北門外西北隅今僅存地基

山川 河防橋梁附

河間府屬皆無山其曰山者悉土阜高出於地者耳然山不在高以不離古文者近是若東光之青山著於史漢天胎志於隋書亦孰得揜沒也至於川瀆則舊志所記數河僅具俗呼名目頗有遺漏今並補載逐條皆爲之考證其有誤收者則辨正而刪去庶面目存眞而源流可溯也志山川

青山 在縣西北三十里

史記外戚傳竇皇后親蚤卒葬觀津摯虞注云竇太后父隱身漁釣墜泉而死景帝立太后遣使者塹

東光縣志

卷一 輿地志上 山川

一

父所墜淵起大墳於觀津城南號爲竇氏青山後漢郡國志觀津注同或以竇氏墓在武邑東南不知在武邑者乃竇少君墓見史記正義豈得誤作青山哉惟史言青山在觀津城南是古觀津更在東光之北然城邑多改山冢不移此可思也

天胎山 在縣南十里臨斬河

按隋書地理志平原郡東光縣有天胎山舊志云亦名天臺因思天胎之名出於眞誥乃道家語亦自典奧不必改作天臺

土山 在青山西十五里

按岳珂程史云崇甯間方士望氣者屢言景州阜城間有天子氣徽祖乃詔斷支隴以爲厭厥後僞楚僞齊是其驗也竊意此土山應卽當時所斷之支隴以爲鎮壓者如徐州豐縣之厭氣臺其形勢大小或殊耳

### 三山 在儒學署後

按舊志明宏治中邑令游璋以胡蘇臺在學署前巍然特起亦於署後築土爲山與之相峙其山聯絡如箕因名三山嘉靖中教諭戈簡建亭於上後廢國朝邑令孫震重建學山園以爲會文之所

東光縣志

卷一 輿地志上 山川

二

以上數條雖非眞山然循名覈實未爲無稽惟舊志有最謬者一條曰魯陽山引樊深舊府志注曰唐李頎東光詩有舉頭遙望魯陽山木葉紛紛向人落之句以爲今無考此眞口實也按李頎劍南道東川州人天寶中進士爲河南新鄉縣尉此詩乃在長安所作題爲放歌行答從弟墨卿舉頭一聯是其結語中如柏梁賦詩不及宴長楸走馬誰相數空歌漢代蕭相國肯事霍家馮子都又如故人斗酒安陵橋黃鳥春風洛陽陌等句何嘗有東光字樣豈以咸陽之安陵橋誣作吳橋之安陵鎮

耶無乃太疎若魯陽山見前漢地理志南陽郡魯陽縣有魯山今南陽府北有魯陽關卽魯陽公戰酣揮戈處而魯山則在今汝州魯山縣蓋其時願將之任新鄉故云遙望魯陽山耳畿輔通志廣輿記皆爲樊公所誤予故特爲辨明刪去

運河 在縣城西三里爲漕運要津

縣册運河東岸南自連鎮火神廟南界牌吳橋界入境對岸與景州以河心爲界北至十二里口南高家墳北月隄南半南皮縣界出境計河程六十里西岸南自紫泥灣南張家樓景州界入境北至楊

東光縣志

卷一 輿地志上 山川

三

家圈界牌

牌北距楊家圈觀音廟十三丈

交河縣界出境對岸與

南皮以河心爲界計水路六十里

按今運河古淇水也以淇水出於衛地故又名衛河然淇水之流行於燕趙則亦有所藉也其在周爲宿胥瀆原大河之所經在漢爲白溝河始遏淇水以入之在隋爲永濟渠亦曰御河始兼引沁水以通之在元爲會通河始兼引濟水以併之至明用白老人計遏汶沂皆使北流遂爲今之漕瀆矣要其所逕則與古合也水經曰淇水至廣宗縣易名清河又北過廣川縣東又東過脩縣南又東北

過東光縣西又東北過南皮縣西所記與今大略  
相同可資考證

宣惠河 在縣城東四里又分支名沙河在城東北七  
里

縣册宣惠河其南自五里楊莊東吳橋界入境北逕  
馬家橋又北有消利溝自何莊西入之又北逕王  
家橋至洪廟折而東十里許沙河注之又東稍北  
逕范家隄又東八里許至柳復青莊南皮界出境  
其分支則自王家橋北歧出北行人南皮境今塞  
按宣惠河名不見於史籍其上流自吳橋來吳橋

東光縣志

卷一 輿地志上 山川

四

縣志曰康熙三十六年知縣杜于藩開濬此東光  
舊志所以不及載也

舊志成於康熙三十二年

而其下流則與

無棣溝通水經淇水注有無棣溝乃自南皮而樂  
陵而滄州至鹽山入海然今無棣之上源已淤不  
可考自鹽山西南邸家樓始有河形東入慶雲復  
東北折入鹽山又東合宣惠河而宣惠河所經與  
酈注無棣溝道大相依昉其下流又相合竊意宣  
惠卽因無棣舊瀆而截取者也

王莽河 卽大河故瀆俗以宣惠普頭等河當之

水經注河水又東北爲長壽津述征記曰涼城

今滑縣東

北 至長壽津六十里河之故瀆出焉一則漯川朝

縣地 今所流也一則北瀆王莽時空故世俗名是瀆

爲王莽河又曰大河故瀆北逕脩縣故城東又北

逕安陵縣西又東北至東光縣故城西而北與漳

水合

按程大昌禹貢論曰王莽河名班固漢志桑欽水

經范氏郡國志皆無有此乃曹魏時訓釋漢志語

而酈道元杜佑李吉甫輩皆祖其說謂古河至王

莽時始空無水也夫魏郡之北號爲故大河者自

周以至元光河旣南徙則已空涸豈待至莽時而

東光縣志

卷一 輿地志上 山川

五

後空耶蓋莽居世議下流故凡河之枯皆舉以誘

之愚按漢書溝洫志王莽時徵能治河者以百數

其大略異者長水校尉關並大司馬史張戎御史

韓牧各有建言是則莽之治河亦自有實跡非盡

被惡名也考漢書王莽始建國三年韓牧欲穿勃

海地復九河故道王橫與之爭議是河間屬下之

所名王莽河者尤有確證大昌特未之思耳平地

雖未果穿而故瀆則多經疏治也

胡蘇河故瀆 在縣城東三里許

漢書溝洫志許商以爲古說九河之名有徒駭胡蘇

鬲津今在成平河縣東光鬲今山東德平縣界中爾雅

九河邢昺疏許商上言三河下言三縣則徒駭在

成平胡蘇在東光鬲津在鬲縣可知也定本注作

胡蘇在東莞莞當是光字之誤

按禹貢九河地理今釋河間府東光縣東南有胡

蘇河東經甯津縣滄州慶雲縣界至海豐縣入海

馬頰河 在縣界後

舊志曰唐貞觀元年所開者又名新河俗呼篤馬河

今涸

按馬頰河在畿輔者已不一即今山東黃流所分

東光縣志

卷一 輿地志上 山川

六

之馬頰亦唐久視元年所開也皆新河而被以舊

名並非禹之故蹟若篤馬河乃屯氏別河之南瀆

自平原城北首受大河故瀆東出逕安德臨齊重

邱西平昌般樂陵陽信入海全行山東境內與直

隸無涉酈注記之甚詳

靳河俗亦名沙河 在縣南

唐書地理志東光縣上南二十里有靳河自安陵入

浮河開元中所開

按通鑑綱目開元十六年春正月以宇文融充九

河使目曰融請用

河故道開稻田并回易

陸運錢官收其利興役不息事多不就據綱目所載則此靳河其爲融所開無疑以其人其地其時其事胥相值也

東沙河 在縣城東二十里

縣册河自梁家集西吳橋界入境北行至拐子溝入宣惠河併流至南皮界出境

按沙河之名最泛凡墟野無名之水世俗恆以沙河目之惟此河自吳橋而北流入宣惠河至南皮出境俱在縣城之東與靳河自安陵入浮河者同竊疑其爲靳河上流後世分疏斷截或移故步耳

東光縣志

卷一 輿地志上 山川

七

吳橋志曰沙河由吳橋入東光城南下達滄州當卽安陵由東光入浮河之靳河矣再按元史延祐三年滄州民請開郎兒口使水下流歸於滄州吳橋志謂卽沙河之下流今吳橋城西有沙浪口亦正謂沙河之浪兒口也其下卽接東沙河

雙河 在縣城西

縣册自城西三清廟分支東北行一支至夏口北踰運河入南皮一支至宮家莊東踰運河入南皮兩河之間居者皆名曰雙河村

按方輿紀要北宋時漳水東決於景州城外築隄

恃以爲固此景州城卽今東光城也至熙甯七年  
深州靜安令任迪議引永靜軍雙陵口河漑南北  
田二萬七千餘頃雙陵口河者漳衛合流自安陵  
決入之口也故至今其地猶名雙河

虹汜

一作虹系

河 自縣城西迤北又北至碧葭塘入南皮

界

禹貢北過洺水孟子曰水逆行謂之洺水說文水不  
遵道也水經注作絳水此之虹汜亦應讀絳漢書  
郡國志沛國虹縣卽春秋昭公八年大蒐於紅之  
紅而漢志作虹魏志明帝紀虹縣乃音作絳晉書

東光縣志

卷一 輿地志上 山川

八

地志虹縣楊正衡音義亦讀如絳蓋古韻虹字原  
收入三絳也且降亦可讀作紅孟子曰洺水者洪  
水也詩我心則降與上蠡仲叶讀福祿攸降與宗  
崇叶讀益證此之虹汜卽絳瀆矣胡渭禹貢錐指  
曰信都之北爲洺瀆漢志所謂入者乃張甲非漳  
水也絳瀆合張甲又東北至滹縣合清河又東北  
至東光合大河故瀆俗謂王莽河又東北至阜城  
合漳水按錐指所稱乃洺水正瀆當是今漫河別見  
下此稱虹汜爾雅水決復入爲汜謂歧流復還本  
水者又窮瀆汜謂窮阻不通之水瀆名汜也此虹

汜河上源無迹可謂窮瀆下流分歧還復決入其  
為絳瀆支津可想

漫河 在縣城西十里有兩支分而復合至交河界出  
境

縣册河自大劉莊東景州界入境東北行至許家橋  
南分兩支一支東北行經劉守義畿輔輿圖  
作獸醫橋至

楊家窪北入交河界一支西北行經許家橋為許  
家河又北有  
支河又屈折而北為曲區河至董莊北仍

與東支合自分至合長二十里北流出境查此河  
上游自故城西派曲流河分出至景州為江江河

為惠民渠北流至東光小漫河村始名漫河

按漫河即漢屯氏河唐古毛河也而張甲亦時借  
行之蓋屯氏原有三瀆俱載水經注一為屯氏正

河一為屯氏別河之南瀆即篤馬河此河在  
山東一為

屯氏別河之北瀆即張甲河也漢書地理志清河  
郡信成縣注張甲河首受屯氏別河東北至蓀入

漳水又靈縣注河水別出為鳴犢河東北至蓀入  
屯氏河又水經河水篇酈注張甲河故瀆北絕清

河於廣宗縣分為二瀆左瀆至南宮縣注絳瀆右  
瀆東北逕棗強至廣川與絳瀆故道合總上數說

觀之可見屯漳絳甲實左右併此一途特時有先後耳道元於諸水所逕皆稱故瀆可知再按顏師古漢書屯氏河注隋室分析州縣誤以爲毛氏河乃置毛州失之甚矣唐之稱古毛河踵隋誤也

普頭河 在縣西境

縣册河自阜城勵莊入境北行至王家集又北至高家橋入於漫河查此河上流自故城東派古沙河分出至景州爲大洋河入阜城復名古沙河至縣境名普頭河其下合漫而入漳按此乃滹沱別也今俗皆稱滹沱爲蒲桃河亦曰蒲頭河此之普頭

東光縣志

卷一 輿地志上 山川

十

又從蒲頭而轉者也漢書地理志河間國樂成今獻

縣注滹沱別水首受滹沱河東至東光入滹沱河

今繹漢志自滹沱分還入滹沱所謂別也而其合漫入漳者則滹漳古原相通而屯氏又皆所借逕也

樂河 在城西南十二里

縣册自景州千頃窪入境北行至劉守義橋南合於漫河

按樂河亦作絡河蓋支流分出環抱本河如包絡也劉肅隋唐嘉話一絢絲能得幾日絡又借絡爲

樂此之樂河卽滹沱別之分支耳水經酈注曰衡

漳至樂成縣

今獻縣河之名樂或由樂成而取

無別出之瀆出縣

北者乃滹沱別水分滹沱故瀆之所纏絡也

絡河之義

本此東逕弓高縣故城北又東北右合柏梁澁又東

北右會桑社溝謂之摩訶河春秋雨泛觀津城北

方二十里盡爲澤藪蓋水所鍾也又南屈東逕竇

氏青山南側又東會從陂分爲二川一川北逕弓

高城西而北注柏梁澁一川東逕弓高城南又東

北楊津溝出焉酈注甚晰固非親歷不能言之犁

然再按酈注摩訶河在觀津城北雨泛時方二十

里盡爲澤藪得無卽今之千頃窪耶而樂河之爲  
滹沱別益曉然矣而竇氏青山在觀津境內愈暢  
然矣

衛河 在縣西運河之西非運糧河

縣册河自阜城建橋北入境行經土山後至交河簸  
箕張莊會漫河出境

按此乃由御河而決者北宋時淇黃合流自慶歷  
熙甯以迄元豐東光屢經河決溜刷成漕故留此  
瀆因御河係由衛輝而來故名衛河以從其朔

德棣八河 附志

役漢書王景傳永平十三年汴渠成自滎陽東至千

乘海口

今山東高苑樂安皆古千乘地此海口卽大清河也

千餘里皆直截

溝澗防遏衝要無復潰漏之患余闕曰自河入千

乘而德棣之河又播爲八漢人指以爲太史馬頰

者亦偶合於禹蹟故得歷千載無害也

按河間屬下諸水大抵皆東北流其源於山東之

恩德者尤爲景東所逕竊意德棣八河必不盡在

德州之南必有一二在景吳東阜間者特其斷崖

絕港歲積年湮無人能識耳爰附志之以備參考

以上諸河見於史籍者旣歷爲引徵矣統觀東

光水道城東宣惠等河大約因無棣靳河之舊

而漕運以西諸河則皆因屯氏張甲之舊也至

屯氏又因大河之舊而滹漳絳犢錯出其間淇

國沂黃貫穿時決蓋自唐宋以來縣境平陸爲

諸水衝潰成渠者不知凡幾而縣境諸河又爲

流沙淤填無迹者亦不知凡幾此泥古者不可

以求今也然而水道雖遷陳編具在撫今思昔

登臨者盍取鑑於茲

河防

附

運河兩岸舊淺九處隄四十處

夏口淺 彭家隄王家隄

李家淺 無名隄霍家隄<sub>二</sub> 金家隄趙家隄

任家淺 北無名隄南無名隄東孫家隄陳家隄西

孫家隄李家隄王家隄趙家隄

狼拾淺 焦家隄狼拾隄無名隄秦家隄

王家隄張家隄劉家隄<sub>南</sub> 以上東岸自北而

白家淺 王家隄尤家隄

牛坊淺 霍家隄劉家隄

桑園淺 廖家隄劉家隄魏家隄盧家隄姜家隄張

家隄

東光縣志

卷一 輿地志上 河防

十三

大龍淺 施家隄李家隄張家隄白蠟隄

古隄淺 王家隄馬家隄戈家隄劉家隄<sub>以上西岸自北而南</sub>

新考 運河兩岸中分南北二汛以馬頭河神廟前牌坊為

界

南汛隄十九處淺一處

東岸 自南而北

張家隄 秦家隄 王家隄 焦家隄 小趙家

隄 大趙家隄 李家隄 陳家隄 小龍灣隄

劉家隄 華嚴寺隄

西岸 自南而北

白衣廟隄 大王隄 施家隄 張家隄頭 張

家隄 魏家隄 廖家隄 馬家隄 馬家淺

連鎮把總一員

額設戰守河兵十二名

堡十四汛夫四百四十八名

東岸 第一堡 自南而北

連鎮河東夫捌  
竈戶陳莊夫貳拾肆

第二堡

秦莊夫拾 徐莊夫陸 邢家寨夫貳 孤柳樹  
于莊夫拾貳 李指揮莊夫貳

第三堡

東光縣志

卷一

輿地志上 河防

十四

焦莊夫陸 大小宿莊夫陸 渚窩夫肆 李四  
維莊夫陸 李家樓夫拾

第四堡

李快手莊夫拾貳 陶莊夫肆 侯莊夫拾 柴  
王莊夫陸

第五堡

小張莊夫貳 陳家園夫拾貳 馬冠海莊夫拾  
孫家園夫肆 小圈夫肆

第六堡

何莊夫肆 郭家橋夫陸 張達莊夫陸 李財  
神莊夫陸 周柳莊夫陸 周英莊夫肆

第七堡

楊雙樓莊夫肆 袁家莊夫肆 張八狗莊夫貳  
夏莊夫拾陸 馬頭河東夫陸

西岸 第一堡 自南而北

連鎮河西夫拾 鄧莊夫拾 大小勵莊夫陸  
端莊夫陸

第二堡

譚莊夫拾 後八里莊夫肆 周莊夫陸 前八里莊夫捌 東西戈家墳夫肆

第三堡

韓莊夫陸 楊莊夫陸 莊施家墳夫肆 王盤莊夫拾貳 王振江莊夫肆

第四堡

東大龍灣夫拾肆 西大龍灣夫拾肆 毛莊夫肆

第五堡

中常莊夫肆 前常莊夫拾陸 廖家新莊夫陸 謝莊夫陸

第六堡

東光縣志

卷一

輿地志上 河防

十五

漫河夫捌 張萬貫莊夫陸 小常莊夫貳 松樹董莊夫陸 魏莊夫拾

第七堡

馬頭河西夫捌 楊家油房夫陸 後常莊夫陸 崔家廟夫捌 十里莊今名劉守義橋夫肆

以上陸拾叁村莊共出夫肆佰肆拾捌名

北汛隄拾陸處

東岸 自南而北

趙家隄 鄭家隄 沈家隄 穆家隄 娘娘廟

前隄 無名隄 袁家隄 堡子隄

西岸 自南而北

姜家隄 大路蒙隄 小路家隄 張家隄 霍家

隄 李家隄 常家隄 尤家隄

在城主簿一員

額設戰守河兵拾貳名

堡十四汛夫肆佰肆拾捌名

東岸 第一堡 自南而北

徐莊夫陸 張莊夫貳 金莊夫拾貳 鄭莊夫陸 莊莊夫陸

第二堡

安樂屯夫貳拾貳 趙寶莊夫貳 香匠王莊夫陸 麒麟臥夫貳

第三堡

李通判莊夫拾貳 洪廟陳莊夫肆 洪廟李莊夫陸 洪廟王莊夫貳 洪廟秦莊夫陸 洪廟

東光縣志

卷一 輿地志上 河防

十六

趙莊夫貳

第四堡

前倉夫拾 後倉夫拾貳 于莊夫肆 厦子柴莊夫陸

第五堡

厦子郭莊夫拾貳 徐莊夫捌 楊昂莊夫拾貳

第六堡

李卜吉莊夫拾肆 蔣莊夫捌 金莊夫陸 李方袍莊夫貳 豆腐楊莊夫貳

第七堡

北夏口夫拾貳 火把劉莊夫拾 吳振綱莊夫拾

西岸 第一堡 自南而北

魯莊夫拾 小王莊夫捌 王通莊夫捌 司莊夫陸

### 第二堡

小路莊夫拾 朱莊夫拾貳 孫連枝莊夫拾

### 第三堡

霍家新莊夫捌 霍家老莊夫捌 牛家屯夫拾  
油房口夫陸

### 第四堡

雙樓李莊夫貳拾捌 霍家後場夫肆

### 第五堡

大常莊夫捌 小常莊夫貳 小王莊夫貳 王李莊夫捌 陳莊夫捌 劉莊夫肆

### 第六堡

夏口河西夫拾 呂莊夫捌 安莊夫捌 霍莊夫肆 小王莊夫貳

### 第七堡

張化雨莊夫捌 韓樂亭莊夫陸 前宮莊夫貳  
劉老人莊夫拾 邊莊夫貳 十里高夫貳  
楊家圈夫貳

以上陸拾壹村莊共出夫肆佰肆拾捌名

按明額設長夫八十一名遇旱乾濬淺專責長夫

國初因之康熙十五年裁去其半乾隆元年汰

淺夫設河兵五十二名後復裁河兵之大半三十

七年俾沿河各村莊出夫供役以四里爲一堡每

堡汛夫三十二名

宣惠河上受七十二窪之水下游三洩分兩支南支爲

金沙嶺北支爲范家口

下通石  
碑河

乾隆五年邑令趙憲

領帑開挑後淤同治八年邑令陳錫麒加濬築隄十

一年邑令胡壽嵩奉文挑挖自莊家莊起至李快手

莊止計長十里光緒元年邑令陶治安勸民接挑遇

旱未竟而止九年運河趙家隄決與上游德州之水

合流至金沙嶺不能下咽北爲范家隄所阻屯積倒

漾被淹二百五十餘村各村民捨死與滄民爭范家

隄之決傷斃四十七人經邑令姚長齡同道府勸議

稟請於白家坊子迤東于家窪建立滾水灰壩十一

東光縣志

卷一

輿地志上 河防

十八

年邑令周植瀛督修壩頂較河底高八尺五寸較北

隄矮五尺六寸壩口寬六丈於壩左購買民地十六

畝建汛房三間設汛夫一名看守水盛漲時由壩減

水三四分永遠不准下游議堵並挑挖金沙嶺水小

仍由南支達海以期分疏

直隸總督李撰重修宣惠河記宣惠河分兩支北

支由石碑河出歧口南支由金沙嶺至海豐合鬲

津故道出古大沽口皆入於海河無來源受德州

吳橋東光南皮滄州鹽山慶雲潦水上游南運河

決輒漫溢爲患乾隆初孫文定公開北支地勢窪

易受水而難洩滄州數被浸方敏恪公始南支

歲久未修近年黃河奪運決則水大至數州縣

而東光尤甚光緒九年滄州東光之民因水掘隄

爭鬪相殺成大獄於是議復宣惠河始議行北支

既議南北分行十年乃檄天津道孚君邦楨及候

補道吳君延斌知府蕭君世本會勘北支既病窪  
且已成平陸無河形南北兼修則費鉅乃定議開  
南支南支較長百餘里而金沙嶺最稱高峻難施  
力吳君力以爲任因檄與天津道共治之其海豐  
境內則移山東巡撫委員會修季君遷運使署天  
津道胡君燦蔡今天津道萬君培因繼之而吳君  
督工督濬下游遂通不患水知縣徐君閱承台檄  
工竣起自東光于家窪至鹽山入山東界計工長  
二萬六千餘丈建減水壩一橋梁十有七用銀六  
萬二千四百餘兩視原議節省而原議不辦之工  
仍增挑四千七百餘丈全河闊自七丈至十二丈  
深自四尺至十六尺大半視原議爲寬深地中得  
古墓及舊橋趾深入土中者皆掘出高於今河底  
數尺自昔開鑿所未及也河既成伏秋大雨運河  
決老虎倉水大於九年眾流赴壑民情靜謐歲修  
勿失此後可無患矣始議者沮開南支以爲河勢  
高仰金沙中梗既測以八綫表則海豐城字鎮河  
底低於于家窪河底三丈四尺而河入海豐匯高  
津形勢遼闊天然歸墟則以爲下淤多沙旋疏旋

東光縣志

卷一 輿地志上 河防

十九

淤者不足信也自金沙嶺至琵琶橋羅疇皆一律  
深通湍行無滯則以爲無從施功者又不足信也  
方事之殷滄州東光牧令各以民情疑懼至騰牘  
相抵水之爲患害舊矣以黃河之大其遷徙關乎  
天運而漢元光中宋自天聖以後爭河流者如聚  
訟武安侯食邑在河北利河南決而邑多收河支  
南北非人力所能爲也當時勢家且欲回屈以便  
其私况於百里之間蚩蚩之氓乎渠成水至不知  
有災則信乎不可與慮始可與樂成也 國朝督  
直隸者敏恪最久百餘年間余以鄉人忝次其後  
既喜見舊績之復且嘉諸君子集議之善而吳君  
力任其難始終其事增而用省其勞不可沒也  
者爰勒之石以示來  
者光緒十二年

漫河乾隆五年邑令趙憲領帑開挑光緒間上游河溢

附近村莊屢次被淹成災十二年春邑令周植瀛稟

請以工代賑修築隄岸南自大龍灣起北至交河石

家橋止延袤五十餘里

樂河乾隆五年民力濬挖咸豐四年 親王僧復挑俾

河水北入漫河

普頭河乾隆五年邑令趙憲領帑開挑

橋梁

附

衛河渡六

連鎮東光口渡 在城南十八里

大龍灣渡 在城西南十二里

魏家圈渡 在城西南四里

馬頭鎮渡 在城西三里

東光縣志

卷一

輿地志上 橋梁

二十

油房口渡 在城西北八里

夏口渡 在城西北二十里

浮橋 在馬頭鎮冰合則架冰解則撤康熙二十七

年邑人于守江造繼之者不一今存李金華造

漫河橋七

羅家橋 在城西南三十里

張家橋 在城西南二十里張九念建道光中賈士

秀募金重修今圯

漫河橋 在城西南十里

劉守義橋 在城西十里光緒十四年重修

鄒家橋 在城西十二里

板橋 在城西北十二里

永濟橋 在城西北二十五里王邦俊建

樂河橋一

樂河橋 在城西十里

曲區河橋三

許家橋 在城西十五里嘉慶二十四年賈士秀等

重建有記

邑人莊紉撰重修許家橋記東光縣治西十五里舊有石佛寺寺前有古橋一為許家橋固駕曲區河而由觀津達漢阜通衢也聞往時會有碑誌今年遠石泐文字磨滅獨其名載邑志而創自何代

東光縣志

卷一 輿地志上 橋梁

二十一

何人皆不可考乃數年來數經大水衝激木石日就傾圮每水潦盛時往來跋涉行人苦之今年春李君鴻業國學生張君漸達等銳意任重修事而賈君士秀復為轉告鄉里斂金帛助之茲地既為要路而是役又屬義舉以故一時遠近村墟或輸泉刀或資人力懼怖鼓舞不數月而工告竣夫以周道波橫輿梁瓦解積年泥淖忽履坦途利濟亦云良厚乃董事諸公又大懼弗克及遠爰以餘貲買田數畝以為他年修葺之資而猶恐傳之既久此事遂即湮沒也因屬余文以記之且刊之石余惟吾人作事異愼者功弗成壯往者畫弗周今有廢既舉而又謀及奕禩俾有所藉諸公之用心可謂深且遠矣後之君子有覽於斯尚踵其事而時修之

張會首家橋 在城西十五里

郭家橋 在城西北十六里

普頭河橋五

張渚家橋 在城西北三十五里同治十年重修

楊家橋 在城西北三十里道光二年楊名宇等重

修置橋地十餘畝同治十三年復重修

李家河橋 在城西北二十六里同治中重修

通濟橋 在城西北二十五里邑人楊子才重建

高家橋 在城西北二十五里圮

虹汜一作虹系河橋二

馬頭橋 在城西二里王允升等重建乾隆五年重

修疊道有記

邑令陳上朋撰重修疊道碑記昔周官經野之制先定其廣輪次辨其山林川澤邱陵原隰而野廬

東光縣志

卷一 輿地志上 橋梁

氏則掌道路凡道路之舟車擊互者敘而行之欲  
守土者知所賴斯民也東邑屬九河交匯夙稱  
澤國自西郭門至南運河長亘四里許為赴省要  
衝錢糧起解由於斯商賈貿易由於斯汗雨帷雲  
烏錯肩摩難更僕數有疊道歲久坍塌每遇大  
雨時行不特輪蹄有顛躓之苦而且負載有厲揭  
之嗟乃舟子招招方以篙尖楫剡操為利藪匪伊  
朝夕矣子於己未冬攝乏茲土下車目擊即欲鳩  
工緣鬻發栗烈之日非畚鍤搢之邑時工尚可緩  
也迨至庚申維夏爰捐俸三十金集邑之父老子  
弟而董之役焉其間簣者藁者裡者計土受值由  
寸而尺由尺而丈遠可達九軌亦容九無或偏也  
無或陂也而邑之紳士聞風興起亦各有所資助  
以竣厥工猗歟休哉坦途在望蕩蕩乎矣雖然  
猶有慮蓋事不難於謀始而貴於圖終倘經畫弗  
周恐廢墜即翹足而待也網繆務為善後之計因再  
之視昔也乎予則未雨綢繆務為善後之計因再  
捐俸八金付龍王廟僧心善俾來春於疊道兩旁  
密栽桃柳將見根盤如拱葉茂成陰既可以護沿  
隄復可以蔭行旅後之人與我同志勿替前修圯

歟陷歟吾知免矣他日者邑之父老子弟坂條落  
實妄擬河陽之花蔽芾之棠也則吾豈敢乾隆五  
年

永安橋 在城北十五里圮

宣惠河橋九

石家橋 在城南十八里圮

馬家橋 在城南八里前明創建道光中馬澤永捐

修咸豐中馬澤溫等捐修光緒元年馬德普募修

郭家橋 在城東南五里乾隆中趙希忭重修

許家橋 在城東五里圮

王家橋 在城東北五里明萬曆三十九年王密等

東光縣志

卷一 輿地志上 橋梁

二十三

創建邑人秦宇撰碑記後圮

國朝王進玉率男允升重建修道數里

孟家橋 在城東北二十里孟振東創建圮

杜家橋 在城東北三十里謝聚五等創建

陳家橋 在城東北三十三里圮

于家橋 在城東北三十里圮

古蹟 坊表附

後漢書郡國志於饒陽記蕪萋亭高陽記葛城邯鄲  
記叢臺信都記檀臺皆所以徵古蹟也雖自東晉以  
迄遼金燕趙屢遭兵革古蹟幾於蕩然而簡冊有徵  
遺墟可指則荒煙蔓草愈令人遐想當年正不獨過  
大梁而問夷門游九原而思隨會也志古蹟

棘津城

水經河水酈注張甲河於廣宗縣分爲二瀆其左瀆  
至南宮注於絳瀆矣右瀆則自廣宗逕棗強至廣  
川故城西又東逕棘津亭南徐廣曰棘津在廣川

東光縣志

卷一 輿地志上 古蹟

一

司馬彪曰廣川縣北有棘津城呂尙賣食之困疑  
在此也劉澄之云譙郡鄆縣東北有棘津亭故邑  
呂尙所困處也按左傳伐巢克棘入州來無津字  
又昭公十七年晉侯使荀吳帥師涉自棘津杜預  
闕而不書服虔曰棘津猶孟津也徐廣晉紀又言  
石勒自葛陂寇河北襲汲人向冰於枋頭濟自棘  
此棘津在東郡河內之間然以太公隱東海之濱  
證之則趙魏爲密譙宋爲疎矣以上酈注節略按  
善長范陽人其於畿輔地理必悉又生於後魏去  
古猶未甚遠既謂太公困於棘津其地以廣川爲

密汲郡爲疎乃據東海之濱以立說自是卓見故  
蔡九霞廣輿記直云棘津城在東光相如賦太公  
困於棘津卽此蓋景州之北卽東光之南所以遵  
酈注也再按善長以廣川棘津爲可據乃本於漢  
書郡國志清河郡廣川故屬信都有棘津城而章  
懷集註曰太公呂尙困於棘津在琅邪海曲非此  
城也又琅邪國西海注引博物記曰太公呂望所  
出今有東呂鄉又釣於棘津其浦今存據此則在  
廣川者爲棘津城在琅邪者爲棘津浦然廣川棘  
津城乃漢書原文琅邪棘津浦乃李唐小註想道  
元時並未有琅邪棘津之說故斷從廣川耳今惟  
據漢書及水經注爲證後起者可無辯已

### 觀州舊城

按觀州所置不一故城亦不一而東光之爲觀州城  
則其始置者焉隋書地理志開皇九年置觀州治  
東光是也然至大業初州已廢若唐武德四年所  
置之觀州則治弓高金大安中所置之觀州則卽  
今景州與東光無涉矣

### 景州舊城

按景州之名肇稱於唐貞元五年其初乃治弓高至

晉王天祐五年始移治於東光歷五代宋元及世祖至元二年乃移於滹縣爲今景州治計自天祐五年戊辰始迄至元二年乙丑止凡以東光城爲景州治者二百五十七年

### 弓高故城

按弓高城有二其漢時所置弓高城則方輿類纂及地理今釋皆以爲在景州東北四十里若隋時所復置弓高城則在今縣西之順成鄉李兆洛歷代地理韻編云兩漢河間國之弓高縣在今阜城縣西南二十七里隋平原郡之弓高縣與唐河北道景州之弓高縣則俱在今東光縣西四十里所記雖小異而隋唐之弓高在東光縣西則同也

### 安陵故城

按安陵故城有二其西晉之東安陵與後魏之安陵則俱在今吳橋縣西北河西窰場店基址猶存

東安陵汎相  
距三里許

而東光縣境王家集後安莊東名安

與河

家陵相傳爲安陵故縣城址隱然非空言無徵之比考唐永徽二年曾以安陵移治於白社橋此殆其所移者歟吳橋志乃以窰場店之安陵謂卽唐所移治然則晉魏之安陵又將焉往此固自窮而

遁也覆思水經河水酈注又北逕脩縣故城東又北逕安陵縣西本修縣之安陵鄉也風俗記曰脩縣東四十里有安陵鄉故縣也又東北至東光縣故城西道元當日所見聞者如此可知安陵在景州之東而東光之南矣與唐所移治固宜區別侯井遺墟

方輿類纂弓高縣在景州東北四十里侯井縣又在弓高城西北三十五里

按今景州極東北邊以連鎮爲界亦不過四十餘里若自連鎮河西再向西北行三十五里則正在

東光西境內此則依據載籍而以今分疆道里計之絕無所惑者細審其方當在王家集土山一帶覆查縣冊王家集後有安家陵云是安陵舊治城址猶存前於安陵故城條內已辨明其爲唐所移治者矣夫曰移治亦因其爲舊邑而遷就耳竊意王家集後之廢城當是漢侯井縣治至東漢侯井併入弓高而城遂廢爲村墟及唐移治安陵於白社橋必非平地起造其因侯井廢縣而移治可知也古人於一城而屢改名而數移治者多矣後人不察遂謂改一名卽別立一邑移一治卽增築一

城無惑其無處尋覓也考水經注漳水南屈逕竇氏青山南又東會從陂分爲二川一川北逕弓高城西而北注柏梁澁一川東逕弓高城南夫所謂柏梁澁者疑卽唐志白社橋也特省柏爲白呼梁爲橋耳由此觀之則漢之侯井唐之安陵豈非同  
一城歟特時有先後相隔六百年耳

再按舊志曰侯井故城在房將池側池形容小似井因池側置縣故名竊疑此城無乃太小又不明言池之所在而畿輔則惟趙州之臨城高邑爲古房子國若房山則更遠矣此不知何據考路史國

名紀周有井伯廣韻曰子牙後穆天子臣有井利或云虞公族非字書作邢誤又趙晉齊鐘鼎拓本有井叔鐘阮芸臺積古齋款識以爲卽邢字是亦未思井伯作邢爲長源之所弗許也如漢之井丹卽其裔使改呼爲邢丹可乎且井爲子牙之後於境地尤相值若今之子牙河子牙里子牙釣臺等跡昭著於瀛滄之間則井之邑於此固宜故侯井之名當以井爲侯國立論房將之說可無譏焉

觀津遺蹟

按觀津地名最古其封域亦頗廣自隋開皇初以觀

津省入武邑此後遂不復置故武邑以爲兼併觀  
津也其實不過城址在彼境內耳至其疆界豈武  
邑所得盡有哉如後漢書郡國志觀津縣有竇氏  
青山今其蹟乃在東光境內是東光亦分有觀津  
縣地以竇氏青山爲鐵證矣卽景阜兩邑亦必有  
觀津遺迹以青山之去武邑其間固宜相連不能  
飛越至東光也觀津人物冀州全載竊意有不盡  
然者據地理今釋觀津故城在武邑東南二十五  
里今查武邑東南與景州接界亦止二十五里卽  
東與阜城接界亦止三十里是觀津故城在武邑

之極東邊境而觀津故城以東之地皆非冀州武  
邑之所得有大約景阜交東四屬分古觀津之東  
半強武棗衡四屬分古觀津之西半如隋唐於東  
光置觀州實從觀津而取義此則援古證今而至  
明顯者若北魏改書作灌津同非觀津之外別有  
灌津也

東光故城

歷代地理韻編以兩漢西晉北魏之東光爲在今縣  
東二十里以隋至元明之東光爲卽今縣治然水  
經淇水酈注曰清河又東經蓊縣南又東至東光

縣西南逕胡蘇亭又東北逕東光縣故城西又東北逕南皮縣故城西是後魏時東光已有新縣在故城之南矣但循其所逕則西自景州南之舊縣東至甯津保店之胡蘇亭而彼時東光縣治乃介在此中舍吳橋其奚適考吳橋古無此縣原屬東光安陵所轄唐則安陵將陵並置皆屬德州宋於今地始置吳川鎮至金乃置吳橋縣是隋唐以前吳橋大半爲東光地故卽酈注所言核之北魏東光縣城確在吳橋境內而今東光縣城則道元所謂故城也觀其敘次方嚮可知想兩漢東光卽今

縣治或在縣東姑不具論至東晉渡江以後石勒慕容迭起爭霸郡邑多改至東魏時遂於東光置渤海郡可見已早遷東光於他處矣道元爲北魏時人畿輔又其父母之邦目擊足經必無錯誤覆查吳橋城東南二十五里趙寨鎮北有地名空城子基址儼然土人相傳爲將陵故城吳橋縣志引府志云隋將陵廢縣唐屬平原郡宋屬景州永靜軍可見將陵廢縣至宋還屬永靜軍也竊意此空城當卽北魏時東光所移徙之處與酈註敘次方嚮無不脗令至隋乃因其地置將陵縣耳而東光

之還故城當亦卽在分出胡蘇縣後還復倚郭故  
相繼以安陵併入此則其時事之可稽者

地理韻  
編所言

縣東之故城別  
見後繭城條內

### 西光城

廣輿記西光城在東光後魏築舊志曰西光鼎峙在  
縣西後魏孝昌中葛榮略取其地對東光築城故  
名按今邑西雖無城形而地多岡阜想卽當年遺  
址亦猶南皮本因北皮得名而北皮亭今亦不顯  
也

### 龍額村

## 東光縣志

### 卷一 輿地志上 古蹟

八

縣册村在今縣西弓高城外卽漢封韓說及子曾之  
地

按史記建元以來侯年表龍額侯索隱註曰龍額  
縣今在河關有龍額雀村與弓高相近此弓高應  
指隋所置者故言今在河關蓋索隱原唐人註也  
又漢書地理志龍額縣侯國屬平原郡師古注額  
或作額崔浩曰有龍額村作額非是其故城則綱  
目質實云在景州東北四十二里通志又謂在景  
州東三十里亦約略其詞蓋龍額至後漢已廢入  
弓高故郡國志並無其名而龍額村固明見於史

漢兩注也他如唐書地理志嶺南道籠州有龍額  
縣又羅泌國名紀有龍額注云汝南非豫章者是  
則廣西河南江西皆有龍額縣而今俱蕪惟畿輔  
一村歸然存焉

### 順成古鄉

舊志在縣西北三十里漢昭帝封鈎弋夫人父爲順  
成侯卽此

按漢書外戚傳昭帝尊外祖趙父爲順成侯詔右  
扶風置園邑二百家長丞奉守如法是趙父葬於  
扶風蓋自鈎弋入宮趙父亦從而西也東光之有

### 東光縣志

#### 卷一 輿地志上 古蹟

九

順成鄉乃於故土實封邑耳

### 胡蘇亭

舊志胡蘇古亭在縣學東南高二丈餘今建文昌閣  
於上

按漢書地理志東光高帝所置有胡蘇亭許慎說  
文亭民所安定也劉熙釋名亭亭也道路所舍人  
停集也後漢百官志曰十里一亭有亭長持更板  
以劾賊舊名負努或爲亭父前漢平帝紀因郵亭  
書以聞卽今之驛遞也若王莽之改縣爲亭三百  
六十舉封爵爲亭侯則更大於此矣胡蘇亭者乃

古東光鋪遞之腰站其地卽今宵津城西二十五里之保店爲隋之胡蘇縣而唐之臨津縣也豈一頂四柱之亭所得當哉舊志所云建文昌閣於上者乃胡蘇臺耳亦莫詳其緣起因其上有飛閣故亦名胡蘇亭然而古今異焉矣

### 燕友臺

太平寰宇記燕友臺在南皮魏文帝爲五官中郎將時築又云齊桓公嘗射雉於此舊名射雉臺

按縣冊此臺舊屬南皮今屬東光在縣北二十里其名燕友與吳質三書可見至於又名射雉則竊更有議焉魏書武帝紀注曰太祖才力絕人手射飛鳥躬禽猛獸嘗於南皮一日射雉獲六十三頭此正南皮射雉事又係魏武帝想父作此臺原名射雉而子游於此遂名燕友耳齊桓之說樂史不知何據豈以北伐觚竹而傳會耶

### 太子窪

縣冊窪在縣西北三十里相傳爲朱温子戰死之處按五代史梁家人傳温子友文友珪友貞友孜等皆非戰死且俱遠在汴梁洛陽何得造言捏合惟金史劉豫傳景州阜城人金立豫爲齊帝豫子麟

爲濟南節度使豫請立麟爲太子朝廷不許曰若  
與我伐宋有功則立之此太子二字明見於史者  
則當時故鄉舉稱麟爲太子可知也且麟以討水  
賊王江紀功其習於水戰又可想故今阜城之河  
猶名劉麟河其橋亦名劉麟橋若東光之窪當年  
亦必有水麟嘗於此習戰故俗呼爲太子窪耳東  
光阜城相離半站稽之史傳索之地輿其亦可信  
而有徵矣

### 繭城

舊志遺跡在縣正東二十五里形勢猶存

### 東光縣志

#### 卷一 輿地志上 古蹟

十一

按舊志不詳所出而歷代地理韻編以爲兩漢迄  
北魏之東光故治皆在今東光城東二十里至隋  
以後始皆治今城據此則今縣東二十五里之繭  
城其爲漢魏及晉之東光舊治無疑矣所差雖有  
五里以舉成數故從略也竊謂此繭城當是漢魏  
以來東光之舊城至後魏於東光置渤海郡遂預  
遷東光於今吳橋之空城自隋以東光東南界分  
出胡蘇縣後而東光乃還就渤海廢郡故治則今  
縣治也當時移置之由雖不得其詳要可心知其  
意然則稱繭城者何或以故城旣廢甄堞讎壤故

稱繭城終改舊文考漢書元后傳太后春幸繭館  
率皇后列侯夫人桑此之繭城當亦唐之東光縣  
主因故城基而植桑親蠶與民婦分繭效功之地  
不然何以稱繭且卽爲民間治繭所聚無亦爲市  
集云爾又何敢稱曰城考縣主爲紀王第三女名  
楚媛自總章二年受封至永昌元年紀王薨凡二  
十年繭城當在此廿年中所置史言楚媛幼而好  
禮獨守勤苦李遐叔撰神道碑亦稱其詣繡繪之  
妙則繭之取義當爲縣主所遺而城之命名確是  
東光舊治若郡志疑爲雨鉛城之譌究屬強讀又

東光縣志

卷一

輿地志上 古蹟

十一

或因俗呼爲牛魔王城遂以廣川惠王越子齊諡  
繆王謂係劉繆王城亦屬近似但古廣川城乃在  
今景州之西不應更在東光之東且出俗談傳會  
固不如依志舊名其曰王城或紀王歟抑渤海王

也

見封  
爵表

河關

縣册引地理考云河關在弓高阜城間北魏時尙有  
其名今失其處無考

按地理考所云河關乃本史記龍頷侯索隱注引  
地理志謂龍頷縣今在河關有龍頷雀村與弓高

相近故以爲在弓高間也據索隱云今在河關是唐時猶實有其地矣考齊策張儀爲秦連衡章今趙入朝黽池割河間以事秦齊不事秦秦驅韓魏攻齊之南地悉趙涉河關指博關註曰河關屬金城史作清河是也愚按此語殊太模稜夫金城河關在今甘肅蘭州府河州西又秦隴西郡亦有河關爲今漢中府南鄭縣地若齊策所云悉趙涉河關則自應就趙清河立論與金城河關無涉然而弓高間之河關已難指實惟據史記索隱注錄之猶爲近是且俟好古而游於茲土者

以上諸古蹟考雖若翻盡從前別開見解然皆根據史籍未敢爲臆說也惟念水經酈注所言柏梁差桑社溝從陂等處皆在弓高青山左近又舊志所言房將池在侯井城之側諸如此類今皆不知其處志乘闕如而比物類情竊意今之村名地名或字異而音同或訛呼而誤引必有一二可作旁徵者是則賴有心人隨所見聞而察之

坊表

附

兩都大冢宰坊 一在城裏北街 一在馬頭鎮俱爲  
廖紀立今圯

留都大司馬坊 一在城裏北街 一在馬頭鎮俱爲  
廖紀立今圮

少保坊 在城西馬頭鎮爲廖紀立今圮

豸史坊 在城裏北街爲張珲立今圮

進士坊 在本城南街爲馬汝松立今圮

大司諫坊 在本城南街爲馬汝松立今圮

騰采薇垣坊 在本城南街爲馬汝松立今圮

紫誥承恩坊 在本城南街爲馬汝松父馬堯輔立今

圮

父子進士坊 在本城南街爲馬汝松暨子允登立今

東光縣志

卷一 輿地志上 坊表

十四

圮

省臺濟美坊 在本城南街爲馬汝松暨子允登立今

圮

天寵褒榮坊 在城南連鎮爲莊蒞民父莊綱立今圮

朝陽鳴鳳坊 在城南連鎮爲施道立今圮

恩綸疊沛坊 在本城南街爲邢紹周立

節孝坊 一爲趙藻妻李氏立 一爲路雲峩妻侯氏

立 一爲郭浚妻吳氏立 一爲劉斌妻董氏立

一爲馬顯妻夏氏立今圮 一爲莊舒妻吳氏立今

圮 一爲盧爲麟妻馬氏立 一爲周乾妻霍氏立

今圮 一爲姜淮妻張氏立今圮 一爲馬念慈妻  
曲氏立今圮 一爲馬居仁妻孫氏立今圮 一爲  
莊曾憲妻魏氏立今圮 一爲莊曾皋妻孟氏立今  
圮

貞孝坊 一爲張鉞妻柴氏立 一爲金如瑚妻李氏  
立

貞節坊 一爲于其縉妻馬氏立 一爲馬雯妻霍氏  
立今圮

玉潔冰清坊 爲胡維熊妻王氏立

